

三水縣志卷二

古蹟

公劉京師之野在邑北溇原即半川原隰之中也

古公鄉在邑南三十里上連土橋南有公劉墓

柁邑城在邑東二十五里舊三水縣即今之職田鎮是漢地理志

柁邑屬右扶風註云有豳鄉

八王城在唐川中後秦姚襄等故隍也舊址猶存

半川府在邑北十五里唐太宗關中府兵之一以地當原隰之中

故曰半川以屯府兵故曰府

隴川堡在半川之後四面壁立溪澗環之隋大業間立縣於此傳

爲四仙驛遺址存焉

兩女砦去邑七十里地勢高聳麓有兩塚在焉舊傳秦扶蘇二女

三水縣志

卷之二

古蹟

一

墓此

雙槐堡在邑西五十步四壁懸崖碧流東繞下有古槐一根二幹

故名上有平地二頃官舍民屋在焉明高邑侯創始我

朝林邑侯重修事詳藝文今廢

泰塔在邑城東北隅高十五丈七級八角二十四窻磬砌甚工其

陰建寶塔寺舊志載唐吐番入寇塔經火焚歲久損傷塔遂東斜

萬厯間邑人文運開修葺之順治甲午六月十日地震仍端正如

初辛亥舊屯廳沈光禧聞其勝概捐資築垣邑士庶因重修焉疊

棚連梯陟巔遠眺乃一邑奇觀

寶塔寺爲唐時大刹經火無存天啟六年縣人文毓鳳同諸生王

遂昌張心昌等相地鳩工建殿五楹莊嚴佛像康熙丁未邑人又

建大悲佛母堂三間地藏殿一座

大像寺在縣東北一里金大定元年建

寶峯寺在縣西温涼河上有小塔在寺前唐太和三年建

同善庵在大像寺右

白衣祠在邑西郭

三元宮在寶塔寺右

北極宮在三元宮前金大定年間創建萬曆三十七年添修大門樓一座國朝咸豐二年邑人申典瞻捐貲重修

連雲洞在城北門內中一堡上

慈恩寺在城西北鳳凰山下

觀音堂在城西街

元武廟在城西二里

洪仁寺在青冑原唐時建

三水縣志

卷之一

古蹟

二

淨土天王寺在縣南三十里宋淳化三年建有御製碣記

福延寺在縣東北五十里址周二十畝金大定差侍郎阿典監修

龍巖寺在縣東南四十里金大定五年耶律監造遺址宏敞

莊嚴寺在縣東五十里前泥陽邨大元七年差中書省右丞周德建

堡嶺寺在縣東三十里元人建有高僧超公延安人卓錫茲寺閉

關焚修八十年一日沐浴合掌書偈貽弟子曰八十年來如掣電

臨行與汝通一綫形骸脫落如金蟬一性圓明空裏見四海無居

似片雲十方世界遊履轉遊履轉見不見倒騎泥牛入祖殿書畢

涅槃今遺龕存焉

悟空寺在縣東七十里鑿石爲邨長五丈闊三丈有石室俗譌爲

無功寺可以避兵明文毓鳳再經悟空寺詩云當年三笑處此日

又重登碑落蟲爲字堂虛鶴是僧有泉堪振錫無偈問傳燈煜煜

青蓮色支公見未曾

金泉寺在半川府東以金沙獲名中有古松

棲雲觀在縣東北職田鎮宋建

三清觀在縣西三十里郭邨宋建外有常信地百畝

惠濟院在兩平邨金大定三年建

玉泉觀在縣東玉泉右故名明劉翀遊玉泉觀詩云玉泉觀裏柏

森森培養靈根異鄧林甘露點珠多麗澤暖風吹雨挹晴陰霜枝

峻絕朝華老勁節孤高晚翠深日見棟梁成大用掄材端擬

重南金

洪福院在縣南十五里

妙覺寺在縣西北二十五里阿陡坡村北成化十四年創建乾隆

十二年重修

山水

三水縣志

卷之一

山水

三

石門山亦名堯門堯鑿之以洩洪水至漢更名石闕在邑東南六十里爲豳國之鎮高峻插天對峙如門以漢武於此立關而名也接子午山之脉隆結以爲峯文太青題云唐堯帝鑿闕門通雍州之上界周武王陟豳阜望雒邑之絕峯上有扶蘇廟世傳爲秦太子扶蘇授國典三物處

肖塔山在邑東四里形似七級浮圖直聳千雲巍峩礙日亦石闕之支也密谷義谷麻谷俱在其下

石觜山亦名馬闕在邑東十五里三面壁立如削一徑蜿蜒若膠泉水出其下灣環曲抱可立砦以禦兵馬

雞阜山在邑東二里舊縣城址在其前侯君集冢當其麓

翠屏山亦名掛榜豳雅稱爲南岡者在城南蔽邑城而若屏鎖水口以如礪蒼翠欲流迺一縣勝地上有孫真人行祠元夕並二月

二日 山夜

列星焉

咸豐二年邑人申典贍

焦家山在翠屏山南五里

戴家山自石門北折兩八林木 翳不復有平壤矣
神林山在縣東七十里有茂公祠今廢

陵山在縣東南六十里與石門山相對俗名南梁

鳳凰山在縣西北隅岡若鳳形因名焉

山在縣東三十五里俗名望高山

劉家山在邑東四十里舊有炭窯康熙四十年秋雨崩

山在縣西北六十里俗名箭 嶺慶州界有馬

元 郡縣志白於山一名女郎山太平寰宇記三水縣

山並在郡邑載志書

在邑東北九十里上接子午北八大漠嶺東

三水縣志

卷之一

山水

四

邑東三十里即漢之左

秦魏武王

寨三百六

十 其一也上有元人所建蘭若俗名 孝子文

山 千 滴 以百尺 壁峙其三面

文倬天有龍山八景詩詳藝文

在 之右巖 丈其 有 家桑村二洞宋元 之士

多 其中

嶺 門之南 雲亦名捫天嶺

家 在 東北三十里宋金人 兵於此其山高三百

石室三百 石 石 至正九 有

一名飛雲洞 古公 陶穴者

洞在 家洞之左或謂元西臺御史 哥失里所 門

流崖懸柏靄久爲攬勝者所取

趙家洞亦名琅天洞去邑二十五里光祿文太青生於洞陽之柏下其巖深長寬平內有石屋日月時入其牖烟雲常繞其梯文龍軒爲賦以紀之

流石洞在琅天之右洞開谷中環繞如城外巖對峙爲門遠睇曲水平田悠然有枕流之思

白石洞在縣東七里文倬天種桃百株其麓名曰桃源洞春月紺紅如錦清流若帶矣

黑石巖在邑東南五十里巖色黝黑壁立萬仞林木陰翳人跡所罕到

觀音巖在趙洞之左谷中上則藤蘿垂蔭下則漣漪紆曲石室階下靈湫清湛深不可測

三水縣志

卷之一

山水

五

白虎峪在縣西北十五里即唐鄭谷詩所謂谷評白虎藏岩洞是甘峪去邑十里爲赴省孔道水疇高低衢柳參差南上五里長坂通古公原

蒲谷在縣東二十五里

柳谷在縣南三十里

後谷在縣北十里

汎水源出鄜州宜君縣界石門山西流入縣界環抱南闔亦名師水取地中有水師之義過邑四十里入於涇

東澗河在城東賓陽門外清流如綫環堞而注於汎水

西溪河在城西志岐門外左繞城根右環槐堡流入汎水

連家河在縣東十里有古槐一株高丈餘三節八稜大六圍

皇澗在邑北三十里俗名支唐川在溥原後自北而南流入涇詩

云夾其皇澗是也

過澗在邑北二十里俗名梁渠源出看花谷自北而西南過境入於涇故名過澗邑文太青以汎水併二澗爲三水名縣之由七里川在邑東南六十里源出石門山流入姜嫄河合於涇敕修川一名羅川在縣東北二十里因後秦姚襄而得名也源出分水嶺經延川南合皇澗達于涇水

龐川水太平寰宇記三水縣有古邠城在龐川水西

蒼耳溝水在縣南十五里西南流入汎水

清水在縣東六十里源出石門山東南流入耀州界

金沙泉在邑北一十五里半川溥原之下通志云昔有人飲此水見金色燦爛故名之唐鄭谷詩所謂地湧金泉過石門

白馬泉在邑東大像寺之下其色紺碧遇陰雨則伏而不流曠乾

三水縣志

卷之一

山水

六

則湧而溢出莫測其異

稍泉在邑南磯頭之隈地湧二泉突出水面波底之石玲瓏如峯泉內之流清泠若玉有螾蜃產於涯間明文濤遊稍泉詩云幽徑蒼無際捫蘿到水頭看山僧其坐廢句鳥相酬雲落空潭影蟬鳴古樹秋登高聊一望暮雨鎖煙樓

玉泉在邑東二里玉泉觀左水冽而甘淵深丈餘水浮岸平有物穢之則涸故以玉名曠乾邑人禱雨於此立應

松林泉在秦輝鎮松林城下水出如珠

堡嶺泉名龍泉亦名天池在堡嶺絕頂四面石壁泉自嶺上直流而下昔元人據嶺汲水不斷賴此

溫泉在縣西三里寶峯峪中其流出爲溫涼河沍寒不凍蘊隆生

涼且清甘如飴

觀音泉去邑二十里在石室之下深湛如淵遇天旱禱雨立應
石門湫亦名乾湫在扶蘇廟下林木芊蕤天旱祈雨虔誠即應
萬壽湫在邑東北三十里當羅唐兩川之交唐大曆八年因風雷
湧聚而成淵

戶口

乾隆十六年奉文清查共 戶九千三百三十六戶共男婦大小
三萬八千九百五十五口同治九年清查城內併四鄉共土著及
寄籍八千六百六十五戶共男婦大小四萬一千八百六十九口
除流寓二百一十一口實在土著及寄籍四萬一千六百五十八
口戶視前減九分之一而口僅增三十分之一則兵荒後死喪逃
亡者多矣

田賦

乾隆以後實在共熟地二千三百三十七頃九十一畝三分二釐
實在糧七千二百四十九石五斗一升二合九勺

原額實 徵銀九千一百五十一兩二錢二分丁銀在內除

存留官役俸工並夫馬等項銀一千一百九十二兩五錢七分四

三水縣志

卷之二

戶口

八

釐

實在起運銀七千九百五十八兩六錢四分六釐

鹽課銀二百五十二兩八錢一分九釐乾隆五十八年陝西布政

司姚改歸地丁項內

留支

知縣一員 俸薪銀二十四兩

門子二名 一歲額工食銀

皂隸十四名 八歲額工食銀

仵作一名 隨習十二名歲額工食

民快二十一名 百歲額工食銀二

禁卒八名 四歲額工食銀

轎傘扇夫七名 四歲額工食銀

庫子四名 二歲額工食銀

斗級四名 二歲額工食銀

馬夫一名 一歲額工食銀

典史一員 兩俸薪銀三十分

門子一名 六歲額工食銀

皂隸四名 二歲額工食銀

馬夫一名 六歲額工食銀

教諭二員俸薪銀八十兩 齋夫三名額工食銀三十六兩

膳夫二名額工食銀十三兩 門斗二名額工食銀一

廩生二十名糧銀六 春秋祭祀額三兩六錢

鄉飲額銀一兩 舖兵一十五名額工食銀九十兩

鐘鼓夫三名額工食銀 孤貧九名額口糧銀

孤貧冬衣布花額銀一兩五 協濟邠州水夫額工食銀

學田原額地上下不等共二頃七十一畝零徵租麥一十石四斗

二升八合五勺穀一十石四斗二升八合五勺此項作廩糧

畜稅每歲無定額儘收儘解 地稅每歲無定額儘收儘解

學校 原額每歲科 試取進文章八名屬小學康熙六十一年邑侯周公詳

請每歲科 取進文章一十二名為中學邑人為建永思碑在西郭今

三水縣志

卷之二

學校

九

移廟內咸豐七八等年因捐餉出力蒙 撫部院奏請奉

上諭着照例永遠廣額文武學各三名每歲科 取進文章一十五名為

大學武童每歲試取進十一名

風俗

孔子曰安上治民莫善於禮移風易俗莫善於樂周公輔成王述

后稷公劉之化作豳風以戒之厥後仲春擊土鼓歛豳詩以逆

仲秋逆寒亦如之所以敬天時授民事上以誠愛下下以忠戴

祭祀有時燕享有節王化行而風俗之美如此今則世變風移不

古若矣毋乃限於高山大川之風氣而習俗亦因之異與

豳風八章周公以成王未知稼穡之艱難故陳后稷公劉風化之所由使瞽矇朝夕諷誦以教之

七月流火九月授衣一之日鶩發二之日栗烈無衣無褐何以卒

歲三之日于耜四之日舉趾同我婦子饁彼南畝田峻至喜

七月流火九月授衣春日載陽有鳴倉庚女執懿筐遵彼微行爰求柔桑春日遲遲采蘩祁祁女心傷悲殆及公子同歸

七月流火八月萑葦蠶月條桑取彼斧斨以伐遠揚猗彼女桑七月鳴鵙八月載績載元載黃我朱孔陽爲公子裳

四月秀 五月鳴蜩八月其穫十月隕墜一之日于貉取彼狐狸爲公子裘二之日其同載纘武功言私其縱獻豸于公

五月斯蠹動股六月莎雞振羽七月在野八月在宇九月在戶十月蟋蟀入我牀下穹窒熏鼠塞向墜戶嗟我婦子曰爲改歲入此室處

六月食鬱及薺七月亨葵及菽八月剝棗十月穫稻爲此春酒以介眉壽七月食瓜八月斷壺九月叔苴采荼薪樗食我農夫

九月築場圃十月納禾稼黍稷重穰禾麻菽麥嗟我農夫我稼既三水縣志

卷之二

風俗

十

同上入執宮功晝爾于茅宵爾索綯亟其乘屋其始播百穀

二之日鑿冰冲冲三之日納于凌陰四之日其蚤獻羔祭韭九月肅霜十月滌場朋酒斯饗曰殺羔羊躋彼公堂稱彼兕觥萬壽無疆

篤公劉六章

召康公以成王將蒞政當戒以民事故詠公劉之事以告之

篤公劉匪居匪康迺場迺疆迺積迺倉迺裹餼糧于橐于囊思輯用光弓矢斯張干戈戚揚爰方啟行

篤公劉于胥斯原既度既繁既順迺宣而無永嘆陟則在巘復降在原何以舟之維玉及瑶鞞琫容刀

篤公劉逝彼百泉瞻彼溥原迺陟南岡乃覲于京京師之野于時處處于時廬旅于時言言于時語語

篤公劉于京斯依蹒蹒濟濟俾筵俾几既登乃依乃造其曹執

于牢酌之用匏食之飲之君之宗之

篤公劉既溥既長既景乃岡相其陰陽觀其流泉其軍二單度其隰原徹田爲糧度其夕陽豳居允荒

篤公劉于豳斯館涉渭爲亂取厲取鍛止基迺理爰衆爰有夾其皇澗遡其過澗止旅迺密芮鞠之即

冠禮久廢今已不行

婚禮古有問名文定之禮有納采行幣之典及期有奠雁親迎之儀不相瀆也今士大夫家有遵文公禮以行者然不能盡合也失厥古風宜痛改之

喪制豳之士大夫依家禮以行者有之惟齊民信堪輿盛幡幢浮費無益司民牧者宜痛釐其弊

祭禮文太青酌文公家禮分以三獻士大夫有遵以行者至寒食

三水縣志

卷之二

物產

十一

掃墓孟冬送衣長至元旦有宗祠者祭於祠寒門單族設祭中廳則士庶通行焉

物產

穀有黍稷稻粱禾麻菽麥皆美種也又有油麥蕎麥玉黍亦農家之常需

蔬則瓜壺葱薤春韭秋菘亦嘉

木宜松柏椿楸楊柳桐竹棠棣

果宜桃李棗柿梨石榴核桃羊棗

葯稱黃芩丹皮甘草苦參知母益母大薊小薊柴胡遠志茴香花椒党參黃精荆芥車前

鳥獸惟所恒產亦有鷹隼鸛鶩雁燕雀鵝鴨野雞麋鹿狐兔貉狸然處處有之不能悉數也

蠶桑詳於豳風以此地多原坡山險皆宜樹桑今則婦無公事休其蠶織矣望仁人君子設法倡率農桑併重裨男女各有安業度澆風可挽而物產日見豐盈矣